


# NEKAK ETA MUTILAK

Identitatea  
eta  
gorputza



Identitatea eta gorputzari buruzko oinarrizko ezagutza lantzea da ikasmaterial honen helburua, aniztasuna ulertu ahal izateko. Identitatearen eta genitalen arteko harremanean jarri nahi da bereziki arreta ikasgai honetan.

Orain arte eskoletan mutila=zakiladuna eta neska=bulbaduna ikuspegia izan da haurrei aditzera eman zaiena, eta hori ez da zuzena, ez duelako errealitatea bere osotasunean adierazten, haur batzuen izatea ukatuz, gainera. Material honen bidez argitu nahi da sexu-identitatea subjektibitatearekin lotuta dagoela, eta ez dela genitaletan aurkitzen. Eta agerian jarri egin nahi izan dugu badaudela zakila duten neskak eta bulba duten mutilak.

Identitatea soilik ezagutu daiteke subjektuaren kontaktaren bidez, hau da, subjektuari galde-tuz. Material honetako marrazkitxoei ezin diegunez galdetu neska edo mutil diren, erabaki

dugu ilearen itxura erabiltzea material hau erabiltzen dutenek marrazkitxo horietan neska bat edo mutil bat ikus dezaten. Azpimarratu nahi dugu, noski, badaudela ile motza duten neskak eta ile luzea duten mutilak.

Erabaki dugu, era berean, ikasmaterial honetan silueta bakar bat erabiltzea, hemen landu nahi duguna azpimarratu ahal izateko. Argi geldi dadila benetazko neskak eta mutilak ez direla marrazkitxo honetako siluetak bezalakoak, eta badaudela larruazala argiagoa eta larruazala ilunagoa dutenak, lodiagoak eta meheagoak, al-tuagoak eta baxuagoak, hazpegi oso desberdinekoak, gurpildun aulkian ibiltzen direnak, beso bakar bat dutenak...

Espero dugu material hau baliagarria izatea. Zinez eskertuko genuke erabiltzaileen oharrak eta hausnarketak jasotzea, moldatu eta hobetu ahal izateko.

## Argitaratzen du

Naizen Elkarte

[www.naizen.eus](http://www.naizen.eus)

[info@naizen.eus](mailto:info@naizen.eus)

688728055

**Idea** Aingeru Mayor

**Marrazkiak** Mattin Martiarena

**Diseinua** Nagore Koch

Depósito legal

SS-2047-2016



Material didaktiko hau kopia eta fotokopiatu daiteke, bidali eta berbidali, zabaldu...

Hori da, hain zuzen, gure gonbidapena.


Hori bai, ez ahaztu egiletza aitortzen, eta ez erabili helburu komertzialekin.

# NESKA EDO MUTILA IZATEA


Ni ez naiz neska edo mutila  
ilea motza edo luzea izateagatik,  
panpinekin edo baloiarekin jolasteagatik,  
zakila edo bulba izateagatik.

Ni neska banaiz, ni mutila banaiz,  
ez da besteek esaten dutelako, nik hala  
dela badakidalako baizik.

Eta soilik nik esan dezaket zer naizen.



**AMAIA**



**MIKEL**

# NESKAK: GUZTIOK DESBERDINAK

Neska batzuk **handiak** gara eta besteak **txikiak**.  
Batzuk argalak gara eta besteak **lodiak**.  
Azalaren kolorea **argia** edo **iluna** izan dezakegu.  
**Ilehorriak**, beltzaranak, **gaztainakarak**, **ilegorriak**... gara.

Neska batzuk motz-motza dugu ilea,  
eta besteek **oooooooooooo** luzea.  
Batzuk ilea orraztuta eramaten dugu, eta besteek orraztu gabe.  
Gutariko batzuk ilea askatuta eramaten dugu,  
eta besteek mototsean bildua edo txirikordekin.


Neska batzuk gonak janzten ditugu eta besteek galtzak.  
Batzuk **superheroien** mozorroak maite ditugu  
eta besteek berriz **printzesenak**.  
Zenbaitzui baloiarekin jolastea gustatzen zaigu  
eta beste batzuei panpinekin.  
Batzuk **zuhaitzetara** igotzea gustuko dugu,  
eta besteek berriz eserita solasean aritzea nahiago.  
Batzuk oihu eginez hitz egiten dugu, eta besteek modu isilean.  
Batzuk **lotsatiak** gara eta beste batzuk **lotsagabeagoak**.

Neska batzuk ile gehiago dugu besoetan  
eta beste batzuk gutxiago.  
Batzuk ahots lodia dugu eta besteek mehea.  
Batzuk bulba dugu eta beste batzuk zakila.

Modu askotakoak gara neskak.  
Hori bai, denak **desberdinak**.

## NOLAKOAK DIRA ZURE INGURUKO NESKAK?

Batzuk ..... goak dira  
eta beste batzuk ..... goak  
Batzuk ..... nahiago dute  
eta besteek .....  
Batzuk ..... eramaten dute  
eta beste batzuk .....  
Batzuk ..... daukate  
eta beste batzuk .....



# MUTILAK: GUZTIOK DESBERDINAK

Mutil batzuk **handiak** gara eta besteak **txikiak**.  
Batzuk argalak gara eta besteak **lodiak**.  
Azalaren kolorea **argia** edo **iluna** izan dezakegu.  
**Ilehorriak**, beltzaranak, **gaztainakarak**, **ilegorriak**... gara.

Mutil batzuk motz-motza dugu ilea,  
eta besteek **oooooooooooo** luzea.  
Batzuk ilea orraztuta eramaten dugu, eta besteek orraztu gabe.  
Gutariko batzuk ilea askatuta eramaten dugu,  
eta besteek mototsean bildua edo txirikordekin.

Mutil batzuk gonak janzten ditugu eta besteek galtzak.  
Batzuk **superheroien** mozorroak maite ditugu  
eta besteek berriz **printzesenak**.  
Zenbaitzui baloiarekin jolastea gustatzen zaigu  
eta beste batzuei panpinekin.  
Batzuk **zuhaitzetara** igotzea gustuko dugu,  
eta besteek berriz eserita solasean aritzea nahiago.  
Batzuk oihu eginez hitz egiten dugu, eta besteek modu isilean.  
Batzuk **lotsatiak** gara eta beste batzuk **lotsagabeagoak**.

Mutil batzuk ile gehiago dugu besoetan  
eta beste batzuk gutxiago.  
Batzuk ahots lodia dugu eta besteek mehea.  
Batzuk bulba dugu eta beste batzuk zakila.

Modu askotakoak gara mutilak.  
Hori bai, denak **desberdinak**.

## NOLAKOAK DIRA ZURE INGURUKO NESKAK?

Batzuk ..... goak dira  
eta beste batzuk .....goak  
Batzuk .....nahiago dute  
eta besteek .....  
Batzuk ..... eramaten dute  
eta beste batzuk .....  
Batzuk ..... daukate  
eta beste batzuk .....



# BADAUDE...



Badaude  
bulba duten neskak...



...eta  
zakila duten neskak




Badaude  
bulba duten mutilak...




...eta  
zakila duten mutilak

Mutil eta neska bakoitzaren genitalak desberdinak dira.  
Itxura guztietako zakilak eta bulbak daude,  
gorputzeko beste atalekin gertatzen den bezalaxe, noski!  
Eta zakilaren zein bulbaren antzik ez duten genitalak ere  
badaude, edo bien antza dutenak aldi berean.

# GEHIENOK ETA BATZUK




Neska gehienok bulba dugu  
eta neska batzuk zakila dugu.



Mutil gehienok zakila dugu  
eta mutil batzuk bulba dugu.

# AURKITU ZENBAT

Badaude bulba duten neskak eta zakila duten neskak.  
Badaude zakila duten mutilak eta bulba duten mutilak.  
Ea hemen bakoitzetik zenbat aurkitzen dituzun.



Azken ikerketen arabera  
1000 mutiletatik batek bulba du,  
eta 1000 neskatatik batek zakila.







# ILEAK, LARRUAZALA... DENAK DESBERDINAK GARA

Badaude neskak zein mutilak  
ile motzarekin eta ile luzearekin.

Batzuek kizkurtua dute eta besteek lisoa,  
batzuek mototsak, txirikordak edo gandorra eramaten dute, batzuek ile horia izaten dute  
eta beste batzuek gaztain kolorekoa, edo gorria, edo beltza...

Larruazal argiarekin eta ilunagoarekin.

Margotu zuk lagun hauei  
ilea eta larruazalaren kolorea.



# ETA ZU?


Hemen zure gorputza margotu dezakezu...



...eta hemen zure izena idatzi

# ZURE FAMILIA

Hemen zure familia margotu dezakezu





**naizen**

Adingabe Transexualen  
Familien Elkartea

Asociación de Familias  
de Menores Transexuales

**[www.naizen.eus](http://www.naizen.eus)**  
**[info@naizen.eus](mailto:info@naizen.eus)**  
**688 728 055**